



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 68. Quid observandum sit, si concio habeatur tempore Missa.

urn:nbn:de:hbz:466:1-42624

474. §. 4. In vigiliis semper dicitur præfatio communis (excipe Epiphaniæ, Paschatis, Ascensionis, Pentecostes) licet sit infra Octavas habentes propriam uti videre est in vigilia S. Joannis occurrente infra Octavam Corporis Christi.
475. §. 5. Si vigilia impediatur à festo digniore, ultimum Evangelium est de illa, exceptis feriis Quadragesimæ vel quatuor temporum, tum enim legitur Evangelium feriae.
476. §. 6. In feriis Adventûs, si resumatur Missa Dominicæ, omittuntur *Aleluja* & versus sequens. A Septuagesima ad Quadragesimam, si resumatur Missa Dominicæ, etiam omittitur Tractus.
477. Q. 68. *Quid observandum sit, si concio habeatur tempore Missæ. R. §. 1.* Concio habetur statim post Evangelium vel post Credo, si dicatur, & Rubricæ vetant, ne habeatur post oblationem. Quod si celebrans ipse concionetur, depositâ casulâ & manipulo sedet ad cornu Evangelii, vel ascendit cathedram.
478. §. 2. Qui coram Episcopo loci sub Missa tantum est concionaturus, circa initium Evangelii genuflexus petit ab illo benedictionem per, *Sube domine benedicere*, osculatâ Episcopi manu, postmodum in cathedra facit profundam Episcopo, aliis autem capitis inclinationem.
479. §. 3. Si venerabile sit expositum in concione, stat nudo capite, nisi velum interponatur ante Sacramentum; aliqui tamen volunt hoc tantum esse observandum, si concionetur intra Chorum, in quo Sacramentum prostat, secus si cathedra sit in navi templi seu infra Chorum, *Lohner*; sed praxis habet, si inter cathedram &

Sacra-

Sacramentum expositum nihil intercedat, ut concio fiat nudo capite

Q. 69. *Quid notandum sit circa inclinationes in Missa.* R. Seqq §. 1. Quadruplex est inclinatio, 1. solius capitis; 2. humerorum simul: 3. profunda seu medii corporis. 4. genuflexio. 480.

§. 2. Solius capitis inclinatio versùs crucem fit, quoties dicitur, *gloria Patri, vel Oremus. Ad Gloria in excelsis, quando dicitur, Deo, Adoramus, Gratias agimus, Jesu Christe, Suscipe deprecationem.* Ad *Credo, Quando dicitur, In unum Deum, Jesum Christum, Adoratur* Ante Præfationem quando dicitur, *gratias agamus Deo nostro.* Dum facit memento pro vivis ad tibi gratias agens ante consecrationem, & sub utraque consecratione. Post memento pro Defunctis, quando dicitur, *per eundem Christum Dominum nostrum.* In Quadragesima, quando dicitur, *humiliate capita vestra Deo.* Post, *Ite Missa est,* quando dicitur, *placeat tibi S. Trinitas, & statim post, quando dicitur, Benedicat vos omnipotens Deus.* Etiam fit, quoties abit vel redit ad medium altaris non habentis Venerabile expositum. Item quoties pronunciat nomen *Jesu vel Mariæ vel Sancti,* de quo celebratur, aut fit commemoratio. *Averdanno* apud *Gob. tr. 3. in App. nu. 73 1.* dicit etiam fieri ad nomina, *Trinitas & Venerabile Sacramentum,* quando de his legitur Missa. Si sub Evangelio, occurrat aliquod sacrum nomen, inclinatio fit versùs librum. Quamvis autem *Lohner* dicat ad nomen *Papæ* etiam inclinandum esse caput, tamen hoc nullibi reperio præscriptum.

§. 3. Humerorum inclinatio fit post psalmum *Judica,* quando dicitur *Deus tu conversus* 482.